



Javna ustanova «Služba za zapošljavanje Kantona Sarajevo» - Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo («Službene novine Kantona Sarajevo», br. 4/04, 29/09 i 18/13), na osnovu Programa mjera za podsticaj zapošljavanja i održavanja više stope zaposlenosti u Kantonu Sarajevo u 2014.godini, sa načinom i kriterijima za realizaciju broj: 02-05-19780-6/14 od 25.06.2014 godine, o b j a v l j u j e:

JAVNI POZIV POSLODAVCIMA

DA SE PRIJAVE ZA UČEŠĆE U PROGRAMU JAVNIH RADOVA

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2014.godini, Javna ustanova «Služba za zapošljavanje Kantona Sarajevo» Sarajevo (u daljem tekstu Služba) poziva poslodavce sa područja Kantona Sarajevo, koji su registrovani za obavljanje djelatnosti u oblastima uređenja okoline i izgradnje i sanacije infrastrukture na klizištima i poplavama ugroženim područjima, socijalne zaštite na području Kantona Sarajevo, kulture, turizma i sajamskih manifestacija, da prijave projekte i učestvuju u realizaciji Programa.

Cilj Programa javnih radova je angažovanje na period od 2 (dva) mjeseca najugroženijih kategorija nezaposlenih lica i korisnika prava iz oblasti socijalne zaštite i to: roditelji djece sa invaliditetom od najmanje 80% invaliditeta, žrtve nasilja u porodici, bivši štićenici domova za nezbrinutu djecu, liječeni ovisnici o psihoaktivnim supstancama, Romi, roditelji/staratelji djece koja ostvaruju pravo na dječiji dodatak, osobe ometene u psihičkom i fizičkom razvoju i osobe kod kojih postoji invalidnost prouzrokovana povredom ili bolešću, a koje u skladu sa propisima o socijalnoj zaštiti ostvaruju pravo na novčanu naknadu za vrijeme čekanja zaposlenja, prijavljenih na evidenciju nezaposlenih u Kantonu Sarajevo.

II

Planirana sredstva za realizaciju Programa javnih radova iznose 451.000,00 KM i utrošiće se za angažovanje 300 nezaposlenih osoba iz ciljne skupine, na period od 2 (dva) mjeseca.

U tom cilju Služba će poslodavcima koji budu obuhvaćeni ovim programom, u periodu od 2 (dva) mjeseca refundirati sredstva u mjesečnom bruto iznosu od 751,57 KM po angažovanoj osobi.

Mjesečna neto naknada za rad po ovom programu za angažovana lica iznosi 600,00 KM.

III

Poslodavci koji žele učestvovati u ovom programu dužni su:

- podnijeti aplikaciju u roku predviđenom u Javnom pozivu (aplikacija se može preuzeti na protokolu Službe u Ulici Đoke Mazalića 3 ili sa web stranice www.juszzks.com.ba),
- priložiti projekat iz oblasti navedenih u članu I u kojima će se izvoditi javni radovi, sa jasnim opisom poslova koji će se izvršavati, jasno navedenim brojem i strukturom izvršilaca, te da se decidno navedu i drugi bitni podaci za vrednovanje aplikacije,
- uz aplikaciju priložiti Rješenje o registraciji o obavljanju djelatnosti, uvjerenje o poreskoj registraciji sa identifikacionim brojem, broj transakcijskog računa i uvjerenje o izmirenim obavezama po osnovu poreza i doprinosa ne starije od 30 dana od dana podnošenja zahtjeva, sve u originalu ili ovjerenj fotografiji.

IV

Prednost će imati poslodavci čiji su projekti od značaja za širu društvenu zajednicu, u smislu direktne koristi za veći broj lica i projekti poslodavaca koji se prvi put javljaju.

V

Služba će sa poslodavcima koji budu obuhvaćeni Programom zaključiti ugovore kojima će biti regulisana sva prava i obaveze ugovornih strana, u skladu sa Programom.

VI

Javni poziv ostaje otvoren 7 dana od dana posljednjeg objavljivanja. Nepotpuni i neblagovremeni zahtjevi neće se uzeti u razmatranje.

VII

Zahtjevi, sa potrebnom dokumentacijom, podnose se neposredno ili preporučeno putem pošte Javnoj ustanovi «Služba za zapošljavanje Kantona Sarajevo» - Sarajevo, Ulica Đoke Mazalića broj 3, sa napomenom: «Za Program javnih radova».

Dodatne informacije mogu se dobiti u Odjeljenju za poslove podsticanja u zapošljavanju, kancelarija broj 15 i na broj telefona 033/ 569-100.

Sarajevo, Đoke Mazalića 3,

web-stranica: www.juszzks.com.ba; e-mail adresa: juszzks@bih.net.ba

Tel/;++387 (33) 569-100, fax: 204-177; Matični broj: 4200304610003;

Poreski broj: 01079085; Žiro račun Raiffeisen bank d.d. BiH broj:

1610000027460032-depozitni račun, 1610000027460226-transakcijski račun

Certifikat br. 44 100 081869